

生物學 李煜瀾 師範 四月廿一日 上午九時至十一時 第一次  
人生哲學 李煜瀾 師範 四月廿一日 上午九時至十一時 第一次  
天文學 秦汾 馬神廟北京大學 四月廿一日 上午九時至十一時 第二次

# 北京大學日刊

## ●消費公社公告 第八號

本公司已於月之十二日正式開張所有曾經繳納第一次股金者請於一星期內每日午後二時至四時持認股收據駕臨總社辦公室將第二次股款繳齊以便換取股票及回扣摺其未繳股款者請一律繳清以符定章而利進行謹此公告

## ●日刊經理部啓事

本日刊每日下午五點鐘發稿各處若有緊急通告務望在五點鐘以前送來否則難以設法謹告

## 本校布告一

(一)本校寄宿舍六所爲整理起見暑假之初在舍各生均須遷出其願回家及別覓寓所者悉聽自由惟本校擬於暑假中組織一西山旅行隊略分左列各部

(一)採集部以搜集標本(二)測繪部以練習實測(三)圖畫部以練習野外寫生(四)記述部以練習中西文學其他演講補習等部亦將酌量附設並於每部訂定教員若干人以資指導學生中有願入此隊者須於一星期內到齋

務課報名並須指明何部以便統計人數預賃宿舍於西山爾時寄宿費每人每月自二元以至三元不等俟賃定後分別布告

### ▲理科學長告白

工預科三年級學生願改理科者聽惟以本月三十日爲限過期一律不能照准願改者三十日以前往理科教務處聲明可也

### ▲理科學長致理科各教員公函

下學年理科不發講義及不代學生購書二事既已決定實行校中所存各舊講義

第一一十一號  
除星期日外  
正出日  
附張兩  
編輯部 北京後門內景山東街(馬神廟)北京大學內  
經理部 電話東局一千零七十二號  
報資及 每份銅元兩枚每月本京三角外省四角五分郵票不收  
廣告用四號字七日以內每字八厘一月以內五厘長期面  
訂五十字起算封面中縫加倍

應否一律裝訂成冊存圖書館以備學生參攷又法科經濟學教授會討論攷試辦法各教員皆謂教員不應預先指示範圍理科有無此種弊端亦乞隨時示知以便整頓特此順頌 教安 夏元璪

### ▲理科布告

(一)地質門自本日起每星期四五兩日午後各添授製圖術三小時由亞當士先生担任此白

(二)預科三年級甲乙班李教員順義之英文功課自下星期起均照正式課表所定時間授課

(三)一年級化學門之數學下星期起改上第十六教室 四月十二日

### ▲理科致李順義教員函

敬啓者頃聞工科採礦一課已請先生担任講席查其所定時間與理科三年級英文時間並無衝突自下星期始請按照正式課表授課爲荷此肅即候台綏

### ▲工科佈告

(一)鮑幼齋先生因事辭職自下星期起

採冷門三年級採礦改請何肅綽先生担任二年級採礦應改爲選礦由李順義先生担任此白  
(二)本科採冷門二三兩年級何李二先生授課時刻略有更改從下星期起諸君請按新課表上堂可也此白 四月十三日

### ▲出版部布告

頃由文科楊教員指定購到高等英文教科書二十五部每部折實現洋一元三角一分文預科一年級甲班全學諸君速來購用可也

### ▲書法研究社啟事

逕啓者本社此次招集特別大會一因去年本社成立時人數甚少所訂章程難免遺漏爲求完善起見自應開會討論一因執事二人各有私事糾纏恐碍社務進行亦應另行改選以重公益邇來外間有謂本社此次改組係因發生內訌及有人盜竊碑帖等事此言全與實事相違本可置之不理惟人心不全有如其面造謠者或別有作用亦未可知望我社員勿爲所惑是荷此啓



大學公餘法文夜校啓事 本校教授法文自最初級教起如有曾習法文有志造者其



是及國民史料各種書報尙乞借鈔一份原件奉還事關國史請將經以本股史部清一學費與時間與本校同曾習法文數月至數年者皆可插班肄習該校在東城方巾巷五  
十號如有欲入者逕往報名可也

## 本校紀事

### ▲校役夜班今日開課

本校校役夜班已於昨日午後在文科第一教室舉行開學禮(其詳情後記)今日即分班授課

### ▲華北運動會五月舉行

本校頃接第六次華北運動會籌備處來函謂該會定於五月十七十八二日在保定舉行想本校體育會技擊會諸君必能早日預備一切也茲將該會來函登布於後

啟者第六次華北運動會議定在保定舉行擇定五月十七十八兩日爲開會日期地點在保定東關外大操場各項運動擬分別賽技其門類分爲兩項開列於下  
普通運動項目(入此項運動者如各級學校各會團或個人皆可其中等各學校願入此項者亦聽)百碼 二百二十碼 四百四十碼 半英里 一英里 三英里 高阻物 低阻物 躍高 躍遠 執竿躍高 擲鐵彈(十二磅) 擲鐵餅 擲標鎗 三級躍遠 半英里接力 一英里接力 五項運動

中等學校運動項目 除無三級躍遠五項運動三英里三項外餘悉與各級學校項目全 入會費二元 報名費十元 (中學運動與普通運動兼入者不另納費) 現已假保定蓮池教育博物院爲臨時籌備處特摘要函達貴處查照以便預備併希函復註冊至未盡各項事宜容俟另函通報特此順頌公祺 第六次華北運動會籌備處啟

### ▲修正圖書館借書規則(續)

第八條 本館遇有清理及編目等事有檢閱之必要時得隨時索還借出之書籍其職員學生借閱之書各教員須參攷時由本館知會亦須即時繳還  
第九條 供教室公用之圖書不設冊數及日期之制限但須以各科教務處名義填具借書券  
第十條 貴重圖書如有供公用之必要時須得校長或各科學長本館主任之認可方可借出但於最短期限內必須歸還(期限由本館臨時酌定)  
第十一條 校外各機關如有以公函向本館借閱書籍者本館依其書之性質認爲無何妨害可貸與之但該機關須派人蒞館以本館定式借書券填具書

名號數簽名蓋章並須於一定期限內歸還(期限由本館臨時酌定)

第十二條 職教員辭職及學生退學或休學時須於離校以前將所借書籍歸還

還學生畢業時亦須於領憑照以前繳還

第十三條 借出之書如有遺失損壞時須賠償原書或照繳原價或按其損壞之程度酌賠修補費

第十四條 借書事宜均於本館開館辦公之時間行之 (完)

### ▲靜坐會第三次師生問答錄(續)

問撫摩小腹使大便通利其法如何  
答法以右手置小腹上自右而左順大腸迴旋之勢循環摩之適度乃止  
問飯後可靜坐否  
答飯後二十分鐘可入坐  
問先生靜坐幾何年  
答十九年矣  
問廢止朝食之影響如何  
答我國人向喜多食致胃部擴大一旦遽廢朝食胃中無有空感認爲飢餓其實非真餓也食貴滋養不貴多余午餐僅麵包二片豆漿一盂略食菜蔬晚餐不

用豆漿用粥一盂以爲常

問腹鳴何故

答未消化之食物在胃腸內發障故

問先生有夢否

答吾十餘年前里居養病時日惟閉門靜坐澄心息慮恆能夜間無夢今人事紛拏則不能免惟夢境清晰不昏擾耳 (完)

### ▲畫法研究會紀事七

湯定之先生譚話會之情形

四月九日下午七時畫法研究會請導師湯定之先生在校長室開譚話會會員到者山水部乙組狄福鼎陳萬里陳宏裕劉文翰章獻猷王東一六人及他組會員陳邦濟歐本鵬黃顯榮沈義馮景蘭張瑩書盛鐸張榮巡八人共十四人湯先生先講學山水須從基本學起一樹一石皆須練習純熟樹比石更難石須注意陰陽皴法樹則幹與葉大別畫樹自頂上畫起自枝而及於幹幹須轉折有勢無五分長不轉筆者若畫爲平行二直線則毫無趣味矣枝幹之得勢其要在破向背左右勢須平均而又不可畫一初學者須從芥子園起手一株兩株三株以至于五株俯仰高下描態自成則得之矣 (未完)



# 文藝

## ▲讀周春嶽君(大學改制之商榷) 蔡校長

周君所引定案二條。為校務討論會所提出者。其後經教育部改定。而於六年九月二十七日。頒修正之大學令。則第一條雖如舊。(令之第八條)而第二條。則更定為左之第二條及第三條。

第二條 大學分為文科理科法科商科醫科農科工科  
第三條 設二科以上者。得稱為大學。其但設一科者。稱為某科大學。

周君主張加增中學年限。而不以大學設預科為然。固亦持之有故。然吾國中學。雖止四年。而合以前之小學四年。高等小學三年。計之。實已為十一年。德國之中學。雖曰九年。而小學畢三年級者。可直入中學。合計實十二年。較我國多一年。法國之中學。七年。而小學畢三年級者。亦可直入中學。合計實止十年。較我國乃少一年。其他英美日本。各國合中學小學年級計之。亦大抵不出十二年以上。而德國中學。分為三種。實為大學及高等學校之預備。法國中學。於後三年分四班。亦即此意。是皆於

## ●學術講演會啟事

本會定於四月二十一日(星期日)仍在下列各處講演列表如左幸聽諸君注意

中學中含兩種作用。(一)高等普通學。(二)高等專門教育之預備是也。德法之中學制。皆兼此兩種作用。故年限較長。而我國及日本制。則偏重高等普通學。故年限較短。於大學則特設預科。(日本之高等學校。亦即大學之預科)兩者各有所長。鄙意則以後者為較便。蓋一國之中。中學之數。必遠過於大學。入中學者。初不必皆入大學。若編入大學預科之課程。於中學。則不便於不入大學之中學生。一也。我國教育尚未發達。各地方之中學程度。至為不齊。編入大學預備課程。畢業後亦往往不能直入大學。反不如設一預科以消息之。二也。中學之經費。出於各地方。大學之經費。出於中央。(其私立者亦必財力較厚)於各地方驟增中學延長年限之經費。其繁費較多。而實行之期不免參差。若在大學保存預科之制。則繁費較少。而履行易。三也。故預科之制。似無改革之必要。惟我國中小學年限。雖較法國多一年。而中學畢業程度。遠不及法國學生。則(一)由我國興學未久。教授多未合法。(二)由我國人學國文。既較西人為難。而學外國語。則尤難於歐美各國人之互學。既於此二者倍蓰其日力。則他種科學不

免相形見絀也。若仿日本制。延長中學為五年。當能較善。然如德國制。自小學以至大學畢業。不過十六年。而彼國學者。如阿斯佛爾等。尚病其過長。以為於機械的學校中。耗費青年服務社會之日力。至為可惜。而我國現行學制。自小學至大學畢業。已占十七年。若又增一年。則十八年矣。是否過長。此亦不可不研究者也。(未完)

### ▲美與善

文科哲學門黃瓊素

彼以美善一致者。亦有二疑問。凡事無趣味時。不足以生美醜者。同時亦無善惡之問題乎。此其一也。若美醜與善惡相反之時。而善惡亦因之而不能成立乎。此其二也。美善一致之說。亦有以解此疑問者乎。美善不能一例相視。事實上亦不乏其例也。何則。面目佼好者。可斷其為俊。巧言令色者。因知其鮮仁。若夫衣冠之美。足成奢侈之風。聲色之美。能起荒淫之念。美之果足以善之乎。反之士志於道。不恥惡衣。克己行仁。不辭陋巷。世有貌惡而才全。古樸而德備者。其善果待乎美者耶。是故美人未必其善人也。美術家未必其慈善家也。而以道德稱者。亦未必以美術名也。要之美之觀念富者。不必即富于善之觀念也。善之表見多者。不必即兼有美之表見也。

美與善不能一例相視。美善一致說之成立。終不免於懷疑也。雖然。美善為一致則不可。而有密切之關係。則為學者所公認也。夫美有正不正之分。美之正者。導人歸善。美之不正者。引人入惡。荀子曰。姚冶之容。鄭衛之音。使入之心淫。紳端章甫。舞韶歌武。使入之心莊。此之謂也。故用美之不可不審也。Plato嘗言詩詞音樂。皆當改善。受政府監督。而禁其不正者。此可謂知美善之關係者矣。

### ▲希聲室雜記 (續)

法科政治門張厚載

而最妙者。則兵卒之母女妻妹。乃至其情人。皆可於焉作快樂暢美之集合。不啻移兵卒之室家於其中。使兵卒獲享完全室家之樂。蓋自來從軍所未有之境遇也。夫從事於軍伍。仍可常常得一家家庭的環境。以視少陵之所謂「耶娘妻子走相送。牽衣頓足攔道哭」者。其情景固判若霄壤矣。又倫敦圖畫新聞 (The Illustrated London News) 本年一月份。載倫敦埃及威爾路。設立 Bull-dog club。係美國某夫人及英國某紳士所辦。其內容有小舞台。及音樂之設置。亦類一從軍者之家庭。(未完)

## 校外宿舍廣告

北京大學 認 查學生宿舍舍為求學者起居飲食及息養醫修之也其設備之妥善與否實與寄宿者



# PEKIN-UNIVERSITATO

Chiutaga Gazeto

北京大學日刊第二張

Red. & Adm.:

„Pekin-Universitato,”

The Government University,

Peking, China.

Prezo:

1 numero ..... 2 ¢

1 monate { en Pekino .... 30 ¢  
en aliaurbo .... 45 ¢

P.m. ne akceptata.

## 本校布告二

### 圖書館布告

本館新到雜誌如下

Far East Review (Vol. 14 no. 4)

The Taiyo (太陽) (Vol. 24 no. 2.)

大學評論 (第二卷第三號)

頃承江蘇無錫縣公立圖書館捐贈本館無錫縣公立圖書館圖書目錄五本

章程二本

週年報二本

又承山東圖書館捐贈本館山東圖書館書目八本

章程一本

又承山東通俗圖書館捐贈本館山東省立通俗圖書館圖書目錄一本

章程一本

採選短篇小說二本

又承蔣竹莊先生捐贈本館印光法師文鈔一冊

又承天津直隸圖書館捐贈本館天津直隸圖書館書目共十一本

又承浙江公立圖書館捐贈本館浙江圖書館書目一部

章程細則全份

除編號存館專函鳴謝外特此布告

### 雜 錄

老莊哲學商榷 (續) 陳鐘凡

復次論治學之方劉君謂學問須求心得幸毋事于口耳

荀子曰耳口之間纔四寸耳曷足以美七尺之軀哉訓話

諸學大抵耳口之學爲多又曰今言老子哲學最不可以古注爲憑以古注不下數百家悉根本誤謬不足據余著新解老以哲學眼光評判之與古注不同可供參攷云按邢昺有言話者古也通古今之言使人知也訓者道也道物之貌以告人也蓋古今語異夷夏詞殊非聚而釋之人莫辨其同異故研治漢魏以來學說則其理明詞顯誠無事于箋注若夫輓周先秦典籍則所謂絕代離詞非精通訓詁曷由明其意旨若望文解義而止必多似是亂真之談故欲求古人義理必先從古書訓詁入手誠無可如何不得不由之塗徑猶之今日欲明遠西學術必先習英德法語文也錢大昕不云乎有文字而後有話訓有話訓而後有義理話訓者義理所由出非別有義理出乎話訓之外也此不獨輓近學者考古宜然即在古人經傳已多詮解如阮氏所舉和會也勤勞也基始也師衆也畜君者好君也敬文之恭也忠文之實也正德之道也端德之信也春曰祠夏曰杓咨方爲諏咨親爲詢之類未易悉數焉有土苴故訓而可尋繹古書哉若夫孫卿言小人之學入耳出口特病記問之學者耳故楊注曰今之學者爲人道聽塗說也觀其下文又云古之學者爲己今之學者爲人君子之學也以美其身小人之學也以爲禽犢楊注禽犢餽獻之物則上文所謂口耳之間四寸不足美七尺者正箴砭以學爲禽犢者言非指故訓而言彰彰明矣且荀卿之學傳自孟仲子仲子傳自李克李克傳自曾申申傳自子夏(經典釋文叙錄)故毛詩魯詩左傳穀梁傳並荀卿之傳韓詩荀卿之別子曲台禮則荀卿之支與餘裔也蓋自七十子之徒既沒漢諸儒未興中更戰國暴秦之亂六藝之傳賴以不絕者荀卿(注中說)荀卿實開漢學之先河今據其說以非薄訓故母乃失其旨歟至謂老子古法數



百家悉不足據惟新解老可供參攷所以昭示吾人者誠至簡極易易簡而天下之理得矣抑又聞之愚者千慮必有一得智者千慮或有一失古注數百家悉根本誤謬或亦間有善言今人信多勝解亦豈一字不刊與其黨同伐異如何博觀約取莊周曰所謂暖姝者學一先生之言則暖暖姝姝而私自悅自以爲足矣而未知其未始有物也然則援殊方之說釋先秦之文其果合老莊本旨與否尙不敢決矧今所據遠西哲學不出遠西十九世紀諸家之說不外東洋轉譯之餘在彼已日新月異視同土梗我竟畫地自限奉爲準程毋抑蹈專己守殘之習而忘從善服義之公心歟此其商榷者二也 (未完)

## 現代心理學

### 本校陳教授大齊在學術講演會之演辭

#### 第一章 普通心理學 General Psychology

普通心理學之對象 心理學以心之作用爲對象以研究心作用之法則爲目的心下特加作用二字者以明心理學之所研究非心之本體乃心之作用也既有用似必有體然心之有體與否爲哲學上問題內省所及則但見心用未見心體但見喜怒哀樂思想欲望諸作用未嘗於此諸作用外見有思者欲者喜者怒者也科學的心理學以經驗爲主哲學問題非所宜問故但當以心作用之研究爲範圍不必更進而探討心體之有無

心作用云者又足以明心之非物物與用之區別比較的言之物是永久之現象用是瞬息之活動物少變化用變化不絕物與他物界限分明用與他用易相混淆對於此說或不免有起疑念者以爲心理學之對象中若觀念者豈非永久不變而界限分明者乎例如窗前有樹吾對之造成一觀念則此樹之觀念常指此樹且斷不與窗戶等相混淆雖然此未得觀念真相之說也樹之觀念內容極爲複雜有樹之形狀有樹之顏色有風吹時之聲音有花開時之香氣其他尙有與此樹有關係之事情種種性質不遑枚舉當樹之觀念復現於吾心時吾之注意斷不能普及於各性質時或樹之形狀較明時或樹之香氣較著時或想及花晨月夕與友徘徊樹下之事且記憶中之觀念往往不能代表知覺當時之性質而一無遺漏試取記憶觀念與知覺當時之觀念而比較之不過大體近似斷難盡同凡此皆足以證觀念之有變化而不能常住又同此樹之觀念因當時意識之背景而有差異或於風雪

之夜憶及此樹或於山水明媚之地憶及此樹樹之觀念與當時意識之背景相混故其所感大不相同至於夢寐之際取甲觀念之一部入於乙觀念之中張冠李戴之事往往有之據此諸例又足以見觀念易於混淆是故觀念所代表者雖是物體至於觀念仍是用而不是物

心作用之範圍甚爲廣泛自人類以至於昆蟲草木莫不具有心之作用雖其程度之高下至不相等自其根本性質上觀之固莫不相同心作用之範圍既廣以心作用爲對象之心理學自不得不分門別類以從事研究平常所謂普通心理學者非以心作用之全範圍爲對象不過取人類之心作用而研究之動植物心作用之如何則非所顧問然普通心理學之研究人類心作用非以人類爲一體而研究此一體所具之心作用亦非就人類中個個之人研究其獨具之作用乃就個人所具之作用研求各人同具之法則人心不同各如其面此特就細點言耳至於心作用大體之法則人固莫不相同兒童之心作用發達尙未完全當然不能與成人相同研究兒童之心作用漸次發達終底於完成之境者別有兒童心理學當之非普通心理學分內之事成成人之心作用有與常人同者有與常人絕異者研究異常之心作用又別有變態心理學當之亦非普通心理學重要之部分故平常之所謂普通心理學簡單言之人的心理學成人的心理學常態的心理學也 (未完)

## 集會一覽表

四月十五日——四月十七日

注意 如有錯誤遺漏請通知本日刊編輯部

| 會期    | 時間        | 召集者    | 會所  | 摘要            |
|-------|-----------|--------|-----|---------------|
| 四月十五日 | 下午二時半至三時半 | 哲學門研究所 | 研究所 | 梁漱溟先生演講佛教哲學   |
| 四月十五日 | 下午三時半至四時半 | 哲學門研究所 | 研究所 | 陶和先生演講社會哲學史   |
| 四月十五日 | 下午七時半     | 英文教授會  | 校長室 | 文本科英文學門教員會    |
| 四月十六日 | 下午三時至四時   | 哲學門研究所 | 研究所 | 章行嚴先生講演編輯學史   |
| 四月十六日 | 下午二時半至三時半 | 英文研究所  | 研究所 | 陳長樂先生講演高等修辭學  |
| 四月十六日 | 上午八時半至十時半 | 法律門研究所 | 研究所 | 張嘉森先生演講國際法    |
| 四月十七日 | 下午三時至四時   | 國文研究所  | 研究所 | 談伯弢先生講演話劇     |
| 四月十七日 | 下午四時至五時   | 國文研究所  | 研究所 | 劉農伯先生講演詩      |
| 四月十七日 | 下午三時至四時   | 哲學門研究所 | 研究所 | 胡適之先生講演最近歐美哲學 |
| 四月十七日 | 下午四時至五時   | 哲學門研究所 | 研究所 | 張克誠先生講演佛學研究   |